


吉安府志

250.141

134

247.53  
134



吉安府志卷四十五

人物志

忠節

古稱忠孝節義之邦吉州尤著南唐以來尚已文  
山之前如楊邦乂歐陽珣諸人表表史冊從文山  
者三十人皆吉產也元明末造人各以其志節顯  
仗節死義之人相望若夫運際隆平指陳時弊極  
之折脇斷脰獄斃戍死而弗恤何其後先輝映也  
特區別忠烈忠諫若干人次第之志忠節

唐計二人

江檀 賀泰

吉安府志

卷四十五

忠節

一

宋計五十九人

歐陽珣 楊邦乂 曾仔 李靚 張遵憲

左譽 曾如驥 劉子薦 鄒鳳 劉子俊

劉沐 孫臬 彭震龍 蕭燾夫 蕭明哲

劉仕昭附王張履翁  
士敏顏斯理 羅開禮 張雲 劉欽

張珩瑛 錢淵龍附弟  
翔龍 吳希奭 胡文可附弟  
文靜 金應

易相 鍾寅 劉伯文 劉駱 蕭資

劉榮 彭呂 蕭子安 鞠華叔 顏斯立  
起巖

彭茂才 蕭汝資 張順 郭大就 蕭煥

陳應乙 曾鳳 王炎午 文天偵附弟  
天祐 戴德誠

梁和叔 龐季安 藍文清 羅子發 蕭文琬



鄧光薦

元計五十八人

顏浩 賀仲英 劉鶚附子 解子元 王繼遠

羅次丙 章善 劉宗權張光遠 羅惟遠 高文鼎

劉元謨 周冕 楊介 曾貫 蕭彝翁

蕭同善 陳新劉郭 太福 唐術 羅明遠

楊本巖 陳無吝 周元定 康震 彭文遠附弟 大遠

鄧椿 張心禹附子 孟初 劉雯 姚正叔 曾慶道附子 以文

楊子遠 王伯康 劉倪勵節 會煒 李恕

曾止善 陳德新 朱士華 周子昭 張希平

謝愈賢 李熾 梁友惠 楊復亨 曾伯昂

吉安府志

卷四十五

忠節

二

李廉附子 敬 郭煥章 戴宗濂 楊謙 劉照

明計一百十六人

陳海雲 傅堯卿 彭真 郭以昭 孫本立

曾萬中附弟 粹中 李繼先 曾子貞 王道貫 謝材

顏伯璋附子 有為 曾鳳韶 周是修 王省 王艮

張彥方附弟 秉方 鄒瑾 魏冕 鄒朴 彭與明

歐陽堅 劉子輔 李昉 彭友直 尹謹言

尹昌 羅如壙 張洪 龐珙 伍驥

馬鉉 湯銘 劉湍 王正 宋輝燦

王國成 李世玖附子 濟民 衷敏 朱衷 黃靖一附吳瑩 三等

趙仁二 劉騏 郭天寵 郭與稟 蕭曰金蕭暉

楊順生 胡信万 王接武 李慕魁 劉以森附子從古

程錦里 梁希阜 郭應衡附應 王岳 彭之玠

郭維翰附子 李之清 劉孔暉 温昶 廖應宣

彭靄 會世忠李之梁 羅守鑑 龍嘉震 陳顯達

蕭舜華 劉文赤 蕭孔錫附子 徐飛鵬 鍾浚

會世榮 吳名標 徐士驤 趙雲 楊鍾

周國柱 王奇生附弟 王之爵附恭 王其宏附其 王世定

鄒世蘭 伍經正 伍承參 劉芳遠 李丕珩

鄒文鼎 王鑒 趙師世附子 賀育瑞 周鼎瀚

劉啟附子 賀吉昌 周宗孔 程士鵬 程仲庸

劉廷兆 趙爾圻 郭仁山

吉安府志 卷四十五 忠節 三

國朝 計十四人

黃孺渾 歐陽曉 黃君錫 宋如郊 孫式先

盧鼎瑞 周德盛 匡尚卿 郭人舉 王彪

謝在明 蕭衡 劉綺 劉醇夫

宋 以後忠諫計十二人

胡夢昱

明

劉球 鍾同 王思 王時柯 劉魁

會翀 郭宏化 傅應禎 劉臺 劉廷佐

賴良佐

唐

江檀永新人天祐間刺史與賀泰靖難於南昌縣象牙潭  
江上後人建廟祀之志參白

賀泰永新前縣令憑子入永新籍仕唐授九江長史乾符  
間黃巢之亂主帥檄泰將兵捍金陵適賊自關陝乘勝  
南下浙江將入廣泰從金陵急趨洪州邀擊之大戰象  
牙潭賊佯退頃之復麾兵夾攻泰挺身對陣賊不敢逼  
堅壁以守者累月復以饒信諸州縣並陷力竭斃於軍  
洪人感其忠封墓江口廟祀十三人泰首列焉詔贈武  
翼大夫諡忠烈志參通

通志按云江賀死地相同安志府志唐末人物俱有  
江無賀白志於江檀存疑仍不錄賀泰今並採俟考

吉安府志

卷四十五

忠節

四

今按天祐後乾符近三十年江賀之死未必同時似  
應次賀於江前通志或以添補採入而後之姑仍其  
舊

宋

歐陽珣字全美吉州廬陵人崇寧進士調忠州學教授南  
安軍司錄知鹽官縣以薦上京師遇國難及出使加將  
作監丞金人犯京師朝議割河北絳磁深三鎮地講和  
珣率其友九人上書極言祖宗之地尺寸不可以與人  
及事急會羣臣議珣復抗論當與力戰戰敗而失其地  
他日取之直不戰而割其地他日取之曲時宰怒欲殺  
珣乃遣珣奉使割深州珣至深州城下慟哭謂城上人

曰朝廷為姦臣所誤至此吾已辦一死來矣汝等宜勉為忠義報國金人怒執送燕焚死之

通志按云監丞既被難朝錄其忠無子官其壻曾敏恭此段史傳失載

楊邦乂字晞稷吉州吉水人以舍選登進士第遭時多難每以節義自許歷知溧陽縣會叛卒周德據府城殺官吏邦乂立縣獄囚趙明於庭欲誅之因諭之曰爾悉里中豪傑誠能集爾徒為邑人誅賊不惟宥罪當上功畀爵明即請行邦乂飲之卮酒使討平之建炎三年金人至江上高宗如浙西留右僕射杜充為御營使金人逼城時李梈以戶部尚書董軍餉陳邦先以顯謨閣直學

吉安府志

卷四十五

忠節

五

士守建康皆具降狀逆之十里亭金帥完顏宗弼既入城梈率官屬迎拜惟邦乂不屈膝以血大書衣裾曰寧作趙氏鬼不為他邦臣翼日宗弼等與梈邦先宴堂上立邦乂於庭邦乂叱梈梈曰天子以若扞城敵至不能抗更與共宴樂尚有面目見我乎有劉練團者以幅紙書死活二字示之邦乂奮筆書死字金人相顧動色忍未敢害也已而宗弼再引邦乂邦乂遙望大罵宗弼大怒殺之剖取其心年四十四事聞贈直秘閣賜廟褒忠謚忠襄官其四子邦乂之被囚也有陳泰伯在旁不去邦乂罵宗弼泰伯亦舉篲擊之遂同死又有賈山郎者亦同時被執山郎陰命其子結里人為鬻茅者

置兵於茅以入事覺父子並磔於市又有楊再興痛主之死誓必報仇投岳飛帳下旗校敵至力戰陷陣死獲其尸焚焉得箭鏃二升朝廷聞之皆官其一子邦人肖其像從祀云

以上宋史

按陳泰伯以下三人里居未詳忠節之事史家牽連書之今亦不復刪去

原跋

今按舊府志稱邦又博通古今少處郡學目不視非禮併叙其給入娼館事見雜志中不重錄

曾仔萬安人元豐八年進士初授國子上舍歷陞閩漕運使建炎元年軍校叛仔單騎赴敵賊勢方張被執奮罵不屈死之事聞高宗諭祭敕葬祀鄉賢

縣志

吉安府志

卷四十五

忠節

六

李靚字彥和吉州龍泉人幼孤母督之學不肯卒業母詰之辭曰國家遭女真之變寓縣雲擾士當捐軀為戡大愍安能咕囁章句間效淺丈夫哉岳飛督師平虔寇挺身從之未行奔母喪服除走淮南以策干都督張浚浚奇之使隸淮西總管孫暉鎮下累功授承信郎紹興十年金遣其將翟將軍犯境靚與部曲當其鋒轉戰至西京天津橋南俘翟將軍乘勝逐北會金兵大至遂死之年三十一

宋史

按靚傳舊府志與宋史畧同但另編死事一門今歸併忠節合編凡死事皆彷彿此

張遵憲安福人歷任監司判官重慶城陷死之子馨奔喪

歸晝夜號痛遇寇未忍加害時稱其父子忠孝

縣志

左譽永新人暮族弟紹定進士授復州景陵尉北兵陷城被執不屈與母妻子十三人同日遇害贈員外郎詔建

祠岳陽

參通志

通志按云豫章書譽賜祠額憫忠贈承事郎與此不同紹定誤紹興從登科錄改正

曾如驥字德稱泰和人登淳祐進士歷宜春大治簿尋改江東安撫使機宜文字少傅呂文德尚書吳革都丞李芾列剡於朝陞寶慶通判會守缺奉命攝郡事歷朝奉郎時李芾鎮湘潭相約為援德祐二年二月元人克潭州芾死節湖南諸郡皆降於元且聞臨安迎附人情洶

吉安府志

卷四十五

忠節

七

洵驥呼弟如駿曰吾起書生官省郎從二千石後今攝郡事誓與此城俱矣然不可絕先人祀汝亟歸弟泣別去遂取考功印紙題其上曰謹將節義二字結果印紙一宗了却神遊何處澄江明月清風八月元兵自長沙來大書舍生取義章粘置齋壁兵將入城登子城赴資江自沉死殯於太平寺北將義之退兵三十里俟葬畢乃入城景炎元年贈敷文閣待制謚忠愍

參縣志

劉子薦字貢伯吉州安福人父夢驥以進士歷官知澧州歿於王事子薦以父廕為湘鄉尉以獲盜功調撫州司錄有愬王應亨毆死荷擔黃九者獄成矣子薦閱爰書疑而駁之俄烈風迅雷闢獄戶裂吏楔殺人者實孔目

馮汝能非應亨也獄遂白得免死者八人事聞頒諭天下之為理官者改知贛縣監行在左藏庫通判常德府知融州陞辭度宗慰之曰廣郡凋瘵賴卿撫摩子薦對曰臣當推行德化以安其民至官以廉靜著聞主管仙都觀廣西經畧司檄為參議官德祐二年十一月北兵至靜江權經畧使馬瑩遣子薦提瑤兵藥弩手守城東門勢不支時瀛國公已入燕子薦取笏書其上云我頭可斷膝不可屈登城北望再拜取所衣袍瘞之語左右曰事急不可為吾有以死守或諷子薦遁去子薦曰死事義也何以遁為竟死之

鄒瀨字鳳叔吉水人後徙永豐少慷慨有大志以豪俠鳴

吉安府志

卷四十五

忠節

八

從文天祥勤王補武資至將軍益王立改寺丞領江西招諭副使聚兵寧都得數萬改授江西安撫副使復興國永豐二縣進兵部侍郎兼江東西處置副使及永豐敗繼從天祥間關嶺道未幾復出開督府分司永豐興國境上北兵驟至大戰瀨脫身走至潮州及天祥被執瀨自殺當是時從天祥勤王死事者瀨與劉子俊等凡十有九人

劉子俊字民章廬陵人嘗中漕試少與文天祥同里閉相友善天祥開督府興國子俊詣府計事補宣教郎帶行軍器監簿兼督府機宜空坑兵敗子俊收兵保洞源接應郡縣尋入廣與大兵遇戰復招集散亡與鄒瀨同趨

潮州天祥兵敗子俊被執自詭為天祥意使大兵不窮  
追天祥可間走也未幾別隊執天祥至相遇於途各爭  
真贗至大將前始得其實乃烹子俊 宋史

通志按云子俊死節史傳昭然林志以為不知所終  
何其謬耶

劉沐字淵伯廬陵人文天祥鄰曲也少相狎暱天祥好奕  
與沐對奕窮思忘日夜以為常及起兵辟補宣教郎督  
府機宜暨天祥出使沐領兵還天祥歸開府南劍沐收  
部曲來會改授太府寺簿專將一軍為督府親衛會空  
坑兵敗被執至豫章父子同日死焉仲子死亂兵季子  
復從天祥死嶺南當時江西忠義皆沐所號召沐性沉  
吉安府志

卷四十五

忠節

九

實而園機晝夜應酬不倦云

孫臬字實甫吉州龍泉人獻簡公抃之後天祥長妹壻也  
天祥起兵臬招忠義士補宣教郎帶行監官告院知  
吉州龍泉縣天祥擁兵出贛里人奉臬復龍泉拒守不  
下尋為叛者所陷執至隆興殺之

彭震龍字雷可永新人天祥次妹壻也性軼蕩喜事嘗以  
罪墨天祥起兵補宣教郎帶行太社令知永新縣會天  
祥出使被執震龍遁歸吉州已失乃結崗獠起兵天祥  
兵出嶺震龍接應復永新大兵至震龍為親黨所執至  
帥府腰斬之屠永新

蕭燾夫永新人與兄敬夫俱天祥客燾夫為詩有豪俊氣

天祥起兵補從仕郎及彭震龍謀復其縣燾夫贊之縣受屠兄弟俱死之

蕭明哲字元甫太和人性剛有膽氣明大節少舉進士天祥開府汀州辟充督幹架閣監軍師出嶺明哲以贛縣義民復萬安連結諸砦拒守兵敗被執不屈死於隆興臨刑大罵不絕口聞者壯之

劉仕昭太和人嘗為鍼工與鄉人同謀復太和縣敗血指書帛云生為宋民死為宋鬼赤心報國一死而已因以其帛自縊死其黨入獄多乞憐苟免有王士敏者獨慷慨不撓題其裾云此生無復望生還一死都歸談笑間大地盡為腥血汚好收吾骨首陽山臨刑歎曰恨吾病

吉安府志

卷四十五

忠節

十

失聲不能大罵耳

以上宋史

通志按云王士敏亦泰和人正氣錄譌王作黃應從史又泰和新志按云萬厯志稱景炎間丞相文天祥興勤王之師一時響應者莫多於泰和今其存而可傳者五人而已此五人無一尺之寄一旅之威乃捐軀以殉社稷彼豈有所為而然抑豈暇計其事之濟否哉忠義之稱蓋自古記之矣

張履翁顏斯理俱永新人與彭震龍同舉義兵歃血守城值元兵突至有劉磐者為內應城遂破磐亦永新人素無行義至是屠城以快私憤三人被執不屈同時死之里人至今稱三姓為勤王忠義之家

羅開禮字正甫永豐人袁州教授江上兵起文天祥辟知永豐倡義以仗大節連兵鄒瀉駐師永豐深溝固壘蓄養銳士攻吉安南贛南雄大捷響應垂下臨洪忽吉贛軍潰元李恒兵又自隆興來乘勝追及空坑天祥幸脫恒大索開禮開禮隱巖中執囚吉安不屈八日不食死天祥為制服慟哭祭之

以上林志

張雲吉州人嘗為敢勇將文天祥師入衛雲隸麾下及天祥以使命被執雲引兵自婺建劍汀取道歸時吉州已降雲謀興復夜襲元兵殺傷相當質明猶戰渴赴水死

明一統志

劉欽吉水人鄉貢士有風節上下今古健於議論天祥行

吉安府志

卷四十五

忠節

十一

府至汀欽來就招諭使鄒瀉北軍奄至死於亂兵同死者鞠華叔顏斯立顏起巖皆吉之豪傑

吉州正氣錄

張瑛張珩皆吉水人周貧三十餘年天祥募義士勤王瑛兄弟從募俱死於兵

錢淵龍號申叟吉水人文天祥勤王以淵龍為招討副使率兵復泰和會元帥李恒遣偏師至力戰鍾步與弟翔龍同日死之天祥被執北行過戰場為文以祭之

以上林志

吳希奭安福人文天祥起兵奭自以名通於督府聚眾數千復袁州萍鄉與北兵會據險待命以眾寡不敵一門

三十口俱死

吉州正氣錄

胡文可字可山泰和人有謀畧便騎射文天祥起兵文可

從之叅謀禮為上賓先一夕天祥夢火明日文可緋衣謁軍門與語喜曰殆天以賚我耶為更名夢炎天祥敗文可亦被執脫歸後集兵赴難而死其弟文靜先授提督時無敢拒北兵者且泰和已先歸元乃招致文靜終不屈曰寧死不負趙氏卒屠其家志 叅府

通志按云前志載文可脫歸後卒於家與此不合其弟文靜之死及胡氏闔門殉難事失載今改補

金應吉水人以筆札往來文天祥門下二十年從天祥勤王授兵馬都監天祥被執左右皆散應上下相隨更歷艱難奔波數千里及脫走鎮江以憂憤死吉州正氣錄

一作葉相廬陵人官直學士安撫使從勤王復吉贛駐師廬

吉安府志

卷四十五

忠節

十三

陵旬日間敗於方固石下死之

鍾寅廬陵人文天祥空坑兵敗與劉欽等合戰死之以上林志

劉伯文字政平吉水人以武舉賜第從文天祥勤王景炎

二年督府駐興國伯文受檄結約遠近至袁州仰山廟

為巡兵所執搜其行李得文書甚多伯文慷慨自引一

不以累人獨斬於市家屬徙燕吉州正氣錄

劉駱初名浚叔永豐人咸淳進士一作鄉舉素以節義自許德

祐丙子元兵入臨安三宮北遷駱撫膺大慟既聞張世

傑等奉三王入閩益王即位於福州乃徒步至行在從

文天祥勤王授軍前計議後與元兵戰旁有鐵騎突出

矢鏃貫其兩頰歿於陣縣志

蕭資吉水人天祥幕下書吏通文墨天祥入廣資於患難中扶持甚至及空坑兵敗護衛太夫人全督府印有功潮陽移屯與元兵遇死之吉州正氣錄

劉榮廬陵人文天祥從者天祥被執時從者七人或逃或死惟榮終事不貳後亦死焉

彭呂字景望泰和人幼孤勵志於學以明經舉為虔州濂溪書院教諭元兵陷虔棄官入廣從文天祥死焉子方拙質直不阿號月溪處士

蕭子安泰和人父儀鳳宋舉漕貢子安為王府掌記從文天祥舉義事敗覆其家

鞠華叔字英發吉水人從文天祥勤王死節天祥集杜句吉安府志

哭之云文章日自負去家死路旁高視見霸王感子故意長從祀於文山祠

顏斯立吉水人與姪起巖聞天祥開府於汀結旅赴義倍道趨寧都就招諭副使鄒鳳會元師奄至無備二人同死亂兵天祥繫燕獄集杜句哀之且自叙曰天生人才若此曾未施一技而速折乃爾哀哉

彭茂才字少英永豐人彭思永四世孫有勇畧以忠義自負中寶祐乙卯鄉舉官司農少卿從天祥起兵勤王奮勇前驅至空坑兵潰被箭傷足抱憤而死

蕭汝資泰和人從文天祥潮陽移屯死之以上縣志按忠節編錄唐宋五十餘人而文山勤王一舉九死

卷四十五

忠節

不移卒至授命成仁收宋三百餘年養士之報一時  
響應從義而死者史傳附見十九人今採各志又得  
十一人凡三十人其自空坑一敗至嶺外被執後中  
經戰陣效忠視死如歸者當不可勝數雖姓氏不盡  
傳皆可以所錄三十人例觀若陳應乙以下十二人  
或慷慨悲歌痛哭以鳴其不平或奔走間關毀家紓  
難以曲伸其保障護持之誼固不必概以死律之要  
其忠於所事一也由元迄明詮次各傳皆彷彿此例

張順張貴太和人先世為西昌令遂占籍槎富順貴仕宋  
為統制元兵圍襄陽李庭芝使二人將兵救援發舟百  
艘徑犯重圍元兵皆披靡避其鋒順逆戰在道力不可

吉安府志

卷四十五

忠節

十四

支敗績失順所在越數月浮屍溯流而上中四鎗六箭  
怒氣勃勃如生視之則順也貴入襄陽呂文煥固留共  
守貴募二士持蠟書達郢求援既而謀洩元兵誘之貴  
鼓譟進漸近龍尾洲遙望軍船旗幟誤以為郢兵及合  
被執阿木欲降之不屈見殺與順並葬襄城下立雙廟  
以祀本袁了凡綱鑑  
參縣志新增

按廣義云張順張貴不同綱目皆以死節書之順未  
至襄在道力不可支其死固難張貴雖曰恃勇失機  
觀其不降阿木則其死國之心又豈下於順哉

郭大就萬安人宋末歿於戰陣封護國將軍舊有廟祠存

陽城縣志

蕭煥吉水人贛縣主簿德祐初江西緣密都統璧邪之禍  
十一城望風送款煥以山城下僚秉義不屈宋亡殉難  
死 縣志 以上俱 忠節

陳應乙吉水人寶祐三年解試公安縣尉因上書忤賈似  
道乙歸後從文天祥勤王有功天祥以書遺之有必立  
奇勲相與勉旃之句 縣志

曾鳳字朝陽廬陵人自太學釋褐為衢州教授累遷國子  
監丞文天祥既首義鳳隨行府之汀州添差海州通判  
以病卒於汀 縣志

王炎午原名鼎翁別號梅邊安福人宋敷文閣王庭珪之  
諸孫也自幼力學業春秋升太學上舍生與文天祥遊

吉安府志

卷四十五

忠節

十五

宋亡天祥募兵勤王鼎翁謁軍門諭天祥毀家產供給  
軍餉以倡士民 切義之心請購淮卒叅錯戎行以訓江  
廣烏合之衆天祥嘉納目為小范老子欲授職從戎以  
母病不果及天祥被執為生祭文以速天祥死鼎翁自  
以太學舊生世移運改遂終身不仕奉母至孝三十年  
不懈母歿廬墓三年靈龕設遺像嘗以喪事宿邑城夢  
母謂曰夜來侍婢不謹火吾衣幾及吾面旦急趨至家  
謁遺像果為跋燭所藝及面而止由是家居不出外境  
所著有吾汶稿 叅白 志

文天偵廬陵人天祥兄也寶祐間鄉舉署廣濟學諭造士  
有方士風丕變宋亡天祥死節天偵不仕寓濟之五里

橋東幼弟天祐亦殉節

秦湖廣流寓志

戴德誠號敬齋永豐人九世同居當宋度宗時文天祥開閩贛州檄仗義勤王德誠首膺閩檄參謀軍事不避金革天祥高其義大書敬齋二字贈之

梁和叔龍泉人咸淳盜起集義兵保障鄉里後文天祥領兵討賊和叔傾貲運餉天祥甚嘉其義

龐季安字有貞吉水人嘗傾貲助文天祥勤王復保障其鄉獨得安堵詔表其里曰萬安

藍文清吉水人德祐乙亥遭難募義兵五千從文天祥討賊有功擢為本省帥閩參謀

羅子發號梅崖吉水人與文天祥同硯席宋末詔天祥勤

吉安府志

卷四十五

忠節

六

王子發亦奮起破家募精銳與天祥合兵吉郡同抵南雄赴廣至祥興戊寅兵敗五坡嶺天祥與子發被執元將張宏範釋之後遣使詣燕問訊天祥為誤行實

蕭文琬吉水人從文天祥遊天祥勤王文琬為督餉及兵敗空坑有大石自山頂震落當路得脫去文琬父子適督饋餉至幸不死

以上縣志

鄧光薦字中父廬陵人文天祥門友也少負奇氣以詩名世登進士第江萬里屢薦不就後客文氏贊募勤王挈家入閩一門十二口同時死賊火中乃隨駕厓山不數日厓山潰光薦赴海者再輾轉不死敵人援出之元帥張宏範改容以待後同文天祥送燕京至建康囚天祥